

Bosna i Hercegovina

Federacija Bosne i Hercegovine

TUZLANSKI KANTON

KANTONALNI SUD U TUZLI

Broj: 003-0-Su-22-000 280

Datum, 18. juli 2022. godine

STATISTIČKI IZVJEŠTAJ O POŠTIVANJU OPTIMALNIH I PREDVIDIVIH ROKOVA

U PERIODU OD 01.01.2022. GODINE DO 30.06.2022. GODINE

U skladu sa članom 15. stav 1. Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini, a shodno Odluci o predvidivim rokovima Kantonalnog suda u Tuzli, dostavljamo Vam statistički izvještaj o poštivanju optimalnih i predvidivih rokova za prvih šest mjeseci 2022. godine.

Analiza pokazatelja iz statističkog izvještaja o poštivanju optimalnih i predvidivih rokova:

Statistički izvještaj o poštivanju optimalnih i predvidivih rokova iz CMS-a dostavlja se u prilogu obzirom da je isti u pdv formatu.

Analizom navedenih pokazatelja konstatovano je da je do prekoračenja predvidivih rokova došlo na referatima koji imaju najveći broj neriješenih predmeta i na kojima su sudije zadužene velikim brojem neriješenih predmeta koje ne mogu iz objektivnih razloga staviti u rad. U Kantonalnom sudu u Tuzli na početku izvještajnog perioda tj. sa 01.01.2022. godine na svim referatima bilo je ukupno neriješenih 4.248 predmeta. U izvještajnom periodu, za prvih 6 mjeseci primljeno je na svim referatima 2.381 predmet, tako da je ukupno u radu bilo 6.629 predmeta, što znači da su sve sudije u ovom periodu bile radno angažovane svaki bi sudija u prosjeku bio zadužen sa 288 predmeta. Međutim, zbog dugotrajnog postupka izbora novih sudija, a također i zbog odsustva nekih sudija usljed bolovanja, broj neriješenih predmeta nije se smanjio onako kako smo planirali. U prvih šest mjeseci 2022. godine na svim referatima riješeno 2.247 predmeta i od tog broja u optimalnom roku riješeno je 714 predmeta, u predvidivom roku 1.442 predmeta i sa prekoračenjem predvidivog roka 805 predmeta i to u 520 drugostepenih parničnih predmeta, u 84 drugostepenih predmeta o žalbi „Dn“, u 7 predmeta upravnog spora, u 51 predmetu privrednog spora, u 96 predmeta po žalbi u vanparničnom postupku, u 14 prvostepenih krivičnih predmeta, u 27 prekršajnih predmeta po žalbi, te u neznatnom roku od 3 dana u postupku po žalbi upisa u registar privrednih subjekata i od 1 dana postupku ponavljanja parničnog postupka.

Najveće prekoračenje predvidivog roka, kao i u prethodnim godinama došlo je u građanskim predmetima, a radi se o 520 parničnih predmeta. Do ovog prekoračenja došlo je zbog velikog opterećenja sudija koji su zaduženi sa velikim brojem neriješenih predmeta i svaki sudija na građanskom referatu zadužen je u prosjeku sa oko 300 predmeta, što predstavlja normu od godinu i po dana sudije na ovom referatu, bez priliva novih predmeta i objektivno zbog velikog broja predmeta ne mogu se ispoštovati predvidivi rokovi. Na ovom referatu do 16.06.2022. godine radilo

je 15 sudija, a od 16.06.2022. godine je na ovaj referat Visoko sudsko i tužilačko vijeće BiH imenovalo troje sudija, s tim što je dvoje sudija počelo raditi, a jedan se sudija nalazi na porodijskom odsustvu i u ovoj godini se najvjerovatnije sa tog odsustva neće vratiti.

Na prvostepenom krivičnom referatu došlo je do prekoračenja predvidivog roka u 14 predmeta, jer se radi o predmetima koji su složeni i u kojima krivični postupak zbog složenog dokaznog postupka traje duži vremenski period. U jednom broju ovih krivičnih predmeta, predmeti se zbog procesnih razloga ne mogu staviti u rad, jer su optužena lica nedostupna i protiv njih su raspisane potjernice. Prije svega radi se o predmetima ratnih zločina koji su zbog nedostupnosti optuženih lica blokirani i ne mogu se raditi. Na ovom referatu jedan sudija se nalazi na bolovanju skoro godinu i po dana i neizvjesno je kada će se vratiti, tako da je jako teško organizovati rad na prvostepenim krivičnim predmetima, pogotovo predmetima koji se svrstavaju u koruptivne predmete.

Na drugostepenom krivičnom referatu nije bilo prekoračenja predvidivog roka ni u jednom riješenom predmetu, a riješeno je u ovom periodu 274 predmeta i svi su riješeni u predvidivom roku. Na ovom referatu radi dvoje sudija, jer je jedan sudija otišao u penziju u mjesecu januaru 2022. godine i na njegovo mjesto još uvijek nije izabran drugi sudija.

Na drugostepenom prekršajnom referatu sa prekoračenjem predvidivog roka riješeno je 27 predmeta od ukupno završenih 191 predmet. Ovo iz razloga što drugostepene prekršajne predmete radi samo jedan sudija koji je zadužen i prvostepenim krivičnim predmetima „K“, jer se drugi sudija koji je radio također ove predmete, nalazio na bolovanju od 01.02.2021. godine i počeo je raditi u februaru 2022. godine, da bi u maju 2022. godine ponovo otišao na bolovanje na kojem se nalazi i sada, tako da je neizvjesno kada će se vratiti sa bolovanja.

U ostalim vrstama sporova i to postupak upisa u registar poslovnih subjekata i po vanrednim pravnim lijekovima u sasvim neznatnom broju predmeta došlo je do prekoračenja predvidivog roka od ukupnog broja riješenih predmeta na tim referatima.

Broj neriješenih predmeta na kraju izvještajnog perioda je 4.382 predmeta, što znači da se povećao za 134 predmeta u odnosu na početak godine i to iz razloga što se značajno povećao priliv na parničnim predmetima radnog spora po žalbi, jer je ovaj sud za period od 01.01. do 30.06.2022. godine na ovom referatu primio 795 predmeta, što je drastično povećanje u odnosu na sve prethodne godine, jer se radi o predmetima uplate doprinosa pokrenutim od strane zaposlenika Rudnika „Kreka“ u Tuzli. Prosječno trajanje riješenih predmeta iznosi 529 dana, a prosječno trajanje neriješenih predmeta iznosi 379 dana, što predstavlja značajno smanjenje u odnosu na prethodnu godinu.

Problem predvidivih rokova ne bi bio toliko izražen da sudije rade samo zaostale neriješene predmete koji su određeni Odlukom o predvidivim rokovima sa danom 01. januar 2022. godine, ali problem postoji jer se predmeti u ovom sudu rješavaju prema Planu rješavanja predmeta, te ukoliko je predmet star i došao na rješavanje po žalbi u ovaj sud, uzima se odmah u rad, pa stoga postoji nesklad između Plana rješavanja predmeta i Odluke o predvidivim rokovima prema kojoj se predmeti trebaju uzimati u rad prema starosti inicijalnog akta kojim je pokrenut postupak pred ovim sudom.

Analiza raspoloživih resursa u sudu:

Kantonalni sud u Tuzli pokriva područje 8 općinskih sudova i postoji nesrazmjer između postojećeg broja sudija Kantonalnog suda u Tuzli i sudija i stručnih saradnika koje je izabralo Visoko sudsko i tužilačko vijeće BiH, a koji rade u općinskim sudovima na području Tuzlanskog kantona, a koji problem smo isticali i u prethodnim godinama. Ovaj nesrazmjer nije ni do danas izbalansiran, tako

da postojeći broj sudija, obzirom da su zaduženi velikim brojem neriješenih predmeta, ne mogu rješavati sve predmete u predviđivim rokovima. Trenutno u Kantonalnom sudu u Tuzli radi 26 sudija, uključujući i predsjednika suda i 1 dodatni sudija i to od 16.06.2022. godine, jer je izabrano troje sudija, iako smo do 16.06.2022. godine radili sa 23 sudija. U ovom sudu nedostaje još 7 sudija po sistematizaciji i za troje sudija smo dobili sredstva i Visoko sudsko i tužilačko vijeće BiH je raspisalo konkurs, s tim što za jednog sudiju za kojeg je raniji konkurs poništen, još nije raspisan konkurs. U narednom periodu ovaj sud će voditi aktivnosti za obezbjeđenje sredstava radi popune sistematizacije u pogledu sudija koji nedostaju.

Za potrebe Kantonalnog suda u Tuzli od mjeseca januara 2022. godine radi i dvoje sudija Kantonalnog suda u Odžaku, jer taj sud nema dovoljan broj predmeta za rad i angažman ovih sudija će trajati do mjeseca januara 2023. godine, nakon čega se nadamo da će Visoko sudsko i tužilačko vijeće BiH produžiti i dalje njihov angažman. I u 2022. godini u ovom sudu je izražen problem nedostatka administrativno – tehničkog osoblja (daktilografa) koje bi bile u funkciji podrške rada sudija, jer obim posla koji se povećao radom na CMS-u i konstantno povećava, zahtijeva da svaki sudija ima svog saradnika – daktilografa, a što zahtijeva i dodatna sredstva u budžetu. Posebno naglašavamo, da su sve sudije maksimalno angažovane na svojim referatima, te da u skladu sa donesenim Planom rješavanja predmeta rade stare predmete i dosljedno se pridržavaju tog plana, kao i Plana rješavanja stečajnih predmeta i predmeta proizašlih iz stečajnih postupaka.

Analiza „perioda neaktivnosti“ u predmetima:

U ovom izvještajnom periodu u Kantonalnom sudu u Tuzli je na snazi Plan rješavanja predmeta, te se u skladu s tim Planom sačinjavaju kvartalni planovi i predmeti dodjeljuju sudijama u rad prema starosti inicijalnog akta kojim je pokrenut postupak pred općinskim sudom i prema starosti faze kojom je predmet zaveden kod ovog suda. Također je na snazi Plan rješavanja stečajnih predmeta i predmeta proizašlih iz stečajnih postupaka i ovi predmeti kao hitni po zakonu prioritarno se uzimaju u rad. Predmeti u sudu su ravnomjerno raspoređeni na sve sudije, tako da su u pogledu ukupnog broja predmeta sudije ravnomjerno opterećene. U nekim prvostepenim krivičnim predmetima zbog raspisanih potjernica protiv optuženih lica, predmeti su neaktivni i ne mogu se raditi, tako da su u CMS ti predmeti određeni kao nerješivi. Na građanskom referatu i drugostepenom krivičnom referatu, postoji opravdana neaktivnost rada na predmetima, jer sudije objektivno zbog velikog broja zaduženih predmeta i pritvorskih predmeta, ne mogu predmete uzeti u rad, jer 85% mjesečne norme isključivo rade stare predmete, a preostali dio norme od 15% pritvorske predmete, predmete nasilja u porodici, predmete stečaja, kao i ostale predmete po zakonu hitne prirode.

Prijedlog mjera kako bi se utvrđeni predviđivi rokovi skraćivali i približavali optimalnim rokovima:

- Potrebno je u Kantonalnom sudu u Tuzli do kraja 2022. godine izvršiti popunjavanje sistematizacije suda sa sudijama koji nedostaju, kao i onim sudijama koji će otići u penziju, odnosno njihov izbor potrebno je da izvrši Visoko sudsko i tužilačko vijeće BiH, jer period koliko će trajati procedura oko njihovog imenovanja ovaj sud će uskratiti za značajan broj riješenih parničnih i krivičnih predmeta. Bez imenovanja novih sudija ne mogu se značajno poboljšati rezultati u pogledu broja riješenih predmeta, iako se iz izvještaja vidi da su rezultati bolji nego u prethodnom periodu. Potrebno je obezbijediti sredstva za izbor stalnih sudija koji nedostaju po sistematizaciji, a radi se o 3 stalnih sudija, jer su sredstva obezbjeđena za 4 sudija za koje traje procedura pred Visokim sudskim i tužilačkim vijećem BiH, kao i sredstva za prijem većeg broja administrativno – tehničkog osoblja, jer je ovo veliki sud, sa velikim brojem predmeta, a nedovoljnim brojem kadrovskog osoblja koje bi radilo

na tim predmetima i bilo podrška radu sudija. Zahtjev za obezbjeđenje sredstava prema Ministarstvu pravosuđa i uprave Tuzlanskog kantona, sud je uputio u ovoj godini i u toku je procedura izbora 3 administrativno – tehnička zaposlenika.

- Visoko sudsko i tužilačko vijeće BiH treba skratiti rokove provođenja procedure izbora sudija, a pogotovo u sudove koji imaju veći broj neriješenih predmeta.
- Visoko sudsko i tužilačko vijeće BiH kada postoji mogućnost u skladu sa zakonom, treba koristiti institut delegacije sudija iz sudova koji su ažurni u sudove koji imaju veliki broj neriješenih predmeta, kao što je to i učinjeno sa delegiranjem sudija iz Kantonalnog suda u Odžaku u Kantonalni sud u Tuzli.

PREDSJEDNIK SUDA

Indira Hadžimehmedović